

КОММУНА «ВИДЗ-МУ УДЖАЛЫСЬ»*

Төвся рыт. Быд щель костё төлысьыс суюёма ассьыс
югөрсө. Посни кодзувөн енэж тырёма. Дзирдалё лымйыс
төлыссяныыс. Көдзыдыс өшиньясё вөчалёма мичаник
серпасьяс. Көдзыд!..

- Иван, - горөдіс өшиньувсянь Митрей,- мунам собранньö
вылад!

- Дыш петö! - кыліс керка пытшкөссянь мурөстөм.

Öдйö Митрей восьлаліс туй кузя. Кок улас лымйыс дзуртö,
быттö горзö сійöс талялөмысь. Том кокъясыс Митрейлөн
өдйö восьлалöны. Локтіс лыддысян керкаö. Сэні важөн нин
биаöсь.

Пырис Митя керкаөдз, коксö пыркнитіс да өдзөссö ёнджыка
топөдіс.

- Йöзыс нö та мында на? Ме эг эшты весиг сёйны, сёрмöмысь
повзи да, өдйөджык котөрті.

- Оз тай воавны мыйла кө. Тэ коймөд на со.

Пуксис лабичö, кокъяссö вомлаліс да лабутнöя шуис:

- Дерт, бара Дзузган Ёгор сыысь мыжа. Миянö тай Öпрöсь
тьötö воліс да шуö: эн пö тарыт мунö собранньö вылад,
мырдөн пö кутасны колхозö суйны. Дзузган Ёгор пö
висьталіс, тшөктіс пö йöзыслы висьтавлыны...

- Вöчас нин сійö быдторсö, öд сылы пом локтö. Быд ногыс бордйысьö да нинöм сöмын оз артмы-а, - шыасис сельсоветын юралысь Габов.

Шочаника воалöны йöзыс, морт дас вит чукöрмис нин.

Öткымынön мудзöмаöсь нин пукалöмысла. Собраннö восьтöм бöрын дыр сёрнитісны, юасисны колхозъяс йылысь.

Уна сёрнитіс Габов. Висьталіс. Велöдіс.

- Öні тöлкуйтыштам да организуйтам колхоз. Ме медводз гижся!

- Гиж! - помаліс сійö.

Уна сёрнитісны дас вит мортыс. Пöсвятöдз висьталіс тшöтш Райколхозсоюзса председатель.

- Менö гиж! - шыасис сайсянь Митрей сёрнияс помалöм бöрын.

- Менö дай тшöтш, - шуис Соболю Васька.

Гижсисны ставön, коді сэні вöлі:

- Дас вит морт лои, вынсьöдасны, - мövпалö Габов.

Коли кызь лун. Ывлаын ёна на пемыд. Оз тай Дзузган Ёгорлы узьсы, важön нин чеччöма да тапъялö джодж кузяыс.

Гöтырыс сылön чеччöма жö нин, пачводз дорын вөрö.

- Тайö ставыс Габов вöсна, сійö лысьтö менсьым овмöсöс.

Налогön пöдтö, таво со кыксё шайт перйис, быдлаын ме вылö

каттысьё. Ёні - колхоз. Мед!.. Мед мырсяс, сёмын нинём
сылён оз артмы, ставсё ас киё чабырта. Съод мыр сійё ме
водзын, синмён аддзытёмтор. Сійёс кё вешта туй вылысь,
бара менам олём воссяс, позяс бурджыка лолыштны, -
мөвпалё Ёгор аслыс.

- Сёмын кыдзи сійёс вёчны? Вины оз позь. Нинём сідзтё оз
артмы, сы пыдди сэтшём жё мөд лоё, дай менё ачымёс
ёнджыка мыждасны. Мөд ног колё кызкё. Талун кё мыйкё
верма вёчны-а. Курыдтор эм. Луннас колхозникъяссё корала,
юкталышта курыдён, ышёда найёс сэсь петны.

Ывла ёна нин югдіс. Марьялён пөжасьёма, джодж чышкё.

Петалис Ёгор ывлаё, пырис да Марьялы шуё:

- Ёні жё ветлы Кирё Митяё, Тьёпей Опоньё, Сюзь Гришаё,
Курлик Ваньёё, Сопрон Ёгорё, Кёч Миколё, Собель Васькаё
да Гринь Яковё. Висьтав, мед воласны, важ удждёссяссё,
шу, кёсйё сетапны. Сэсся некодлы нинём эн шыасьлы.

Марья петіс керкасьыс да өдйё муніс котравны сикт кузя.

Марья регыд бөр воис.

- Ставсё ветлін? – юалис Ёгор.

- Ставсё.

- Мый нё шуисны ?

- Ладнө пө, локылам.

- Бур.

Ставыслы нин вөлі сьёмсё лөсьөдөма, көкъямыс пельё юкёма

да торйӧн-торйӧн пукталӧма.

- Оланныд-выланныд! - пыригас шуисны найӧ.

- Локтӧй татчӧджык, локтӧй! Пуксялӧй джекъяс вылас, -
бергавны на гӧгӧр кутіс Ёгор.

- Эн дӧзмӧ, ёртъяс, уджӧді да дыр эг вермы вештысьны.
Сьӧмӧй буретш эз вӧв. Ӧні лыштіс дай мынта ставныдлы.
Ставныслы Ёгор сеталіс сьӧмсӧ.

- Мыйта лоис, эн дивитӧ. «Абусӧ» унанас кысь сетан.
Босьтіс папирос да ставныслы сеталіс!

- Куритчӧй, бур папирос. Бабунь, вайлы гӧрд юръястӧ,
видлам сылысь дай кӧрсӧ!..

Клопкис Ёгор небыд кинас суля пыдӧссӧ, пробкаыс резыштіс
кытчӧ кӧ ылӧ. Первоя румкасӧ ачыс ректіс, сэсся кисьтіс да
гӧстьяссӧ кутіс юктавны:

- Юыштӧй, абу и эськӧ уна да, тырмас, зэв чӧскыд, позьӧ
юны!..

Нель гӧрд юратӧ ректӧм бӧрад гажмисны ставныс. Пуксис
Ёгор джекйӧн гӧстьяс водзӧ, панны кӧсйис бур сёрни.

- Вежалун талун, шойччигмоз бура позьӧ сёрнитны.

- Мунны кӧ лоӧ-а, дыр нин пукавсис,- чеччигмозыс шуис

Митрӧй да ставӧн сувтісны сы бӧрся тшӧтш.

- Ті нӧ мый, ёртъяс, мыйла сідзи, сёрнитыштны колӧ.

- Некор миянлы больгыныс, огӧ эштӧй.

- Вӧскресеннянад оз уджавны, ен сыысь грек пуктас.

- Некутшөм чөрт ни ен абу, эн ылөдлы миянөс. Некор миянлы.

- Кыдзи сідзи? Мыйла нө эськөн юинныд?

- Ка-ка-ка! Өтчид сюрлі жө тэнсьыд кырсьнитны! - серөктіс Митрөй.

- Пуксьылөй, зэв ыджыд сёрни менам тіянөдз.

- Төдам, кытчө тэ кыскан миянөс, абу ми посни челядьяс.

Войдөр ёна ылөдчылін, өні тырмас нин тэныд.

- Вайө бөр винасө и сьөмсө, - посводзө вөтчөмөн горзіс Ёгор.

Колхозникъяс сералігтыр разалісны гортаныс.

- Чөртъяс, винасө кырнышалісны, сьөм босьтісны дай ставыс, нинөм эз артмы, прөста сьөм водзөм лои.Ладнө! Ме налы мөдысь таысь! Он дыр чеччалө, шеданныд менам дзугйө.

Дыр на Ёгор өтнас керкаын мурзіс - кулаксө чабраліс, пиньсө йирыштілөмөн матькис.

Тулыс. Шондіс гожеся моз нин шонтө. Туй кузя бузгөны паськыд шорьяс. Лунтөв пөльышталө чужөмад ыркыдик сынөдөн, гажмөдө сьөлөмтө, вөтлө төвся шогъяссө тыясысь.

Муяс лым улысь петісны. Вөскресення лун. Сиктын йөзыс шойччигмоз варовитөны, кодөс видөны, кодөс ошкөны.

Дзузган Ёгор важөн нин вежсьөма да ветлөдлө кодсюрө бердті, накөд варовиталө:

- Талун колхозникъяс му нин кӧсйӧны вундыны. Оз ков налы мусӧ сетны, ӧтувъяӧн колӧ дейтвуйтны. Мед колӧкӧ нюрӧ мунасны овныс, вӧчасны выль пашня.

- Кыдз ӧд босьталасны, ми нӧ кӧнӧсь?

- Сійӧ ӧд и эм, найӧ став мутӧ босьтасны, а ми кушӧн и колям. Землемер да колхозникъяс петісны вундыны аслыныс му. Вундісны ӧтилаысь мусӧ, мыйта вӧлі полагайтчӧ. Бур муяс босьтӧм понда и сэтчӧ ӧтувтчисны, - чальялігтыр шуис пӧрысь баба.

- Мыйла увгынысӧ, мед видласны. Оз жӧ дыртӧ овны, бӧр киссяс колхозыс. Кӧть и босьтісны сы ыджда мутӧ, оз жӧ ӧд вундавын сэтысь няньсӧ, гожӧмнас ставсӧ травитасны.

- Ме став потшӧсӧс ассьым косяла, став му менам сэтчӧ сюрӧма!

Шыасис ӧти морт.

Рытӧдзыс сикт пасьтала ызгисны колхоз йылысь - лӧпталісны лӧк сёрнияс колхоз вылӧ.

Гожӧмшӧр. Став югӧрнас шонді ӧшйӧма му вылӧ. Сьӧлӧмыд сідзи и йӧктӧ. Вӧрсянь пӧльтӧ сикт вылӧ чӧскыд сынӧдӧн, весалӧ сиктысь лӧк буссӧ. Коли вит во, кор сиктын первой ӧтувтчисны колхозӧ. Вит вонд ёна нин сиктыс вежӧма

ассыыс чужомсö да олөм-вылөмсö.

Воан сиктö да син вылад первой усьö дзирдалана гижöд:
коммуна «Видз-му уджалысь». Видзöдлан муяс вылö, синмыд
оз су сы помöдз, шыльквидзö сэнi лöз енэж кодь сю, ставыс
өткодя мичаа быдмö.

Страда кад. Со коммунарьяс чукөрөн мунöны видз вылö.
Корсюрö горöдласны сывны, кор ворсыштасны, кор и
йöктыштасны. Видз вылын лунтыр гынзясны, серамбанөн
уджаласны. Оз найö мудзны, ворсөм кодь кажитчö чукөрөн
уджалöмыд.

- Ка-ка-ка! Иваныс медся бöрас кольччöма!

- Вöвтö вöтлы да медводзö пет, он жö бöрын кыссы, -
серöктисны воддзаяс.

- О-о! Мый тi сералад? Ставыс öд медводзын оз мун.

- Пановтас Ваньöйд, öдйö вöтлö видз помöдзыс.

Регыд бара видзтö куштас машинаыд, мичаа водтöдас му
бердас чöскыдик дука турунсö.

Рытьядорас бара чукөрөн мöдöдчисны гортö.

Коммунарьяслөн тöдчö долыд сьölöмыс, сералö налөн
чужөмбаньясыс шондисянь.

Горöдисны сывны - да сiдзи и сынöдсö поткöдö горыс, зэв
ылöдз нюжалан шыыс.

Бытьö праздник вывсянь локтöны. Бöрсяньыс,
бриньöдчигтыр, вöтчöны ытшкан машинаяс.

* Медводдзаысь печатайтöма 1930 воын.

Ордым. -1930. - №10. - С. 15-18.